

經年序了但代代根本御願寺於當寺被修之也

此一冊借請持明院羽林基春朝臣本馳筆畢

件本洞院大約言實信卿自筆也

權大納言藤原宗綱

[Faint bleed-through text from the reverse side of the page]

楞伽寺記

夫以世法必借佛力而長久佛法又依世緣而住持
真俗不二國家定一余建武之歲聊有周章事但憑
虎闕上人之懸記仰待皇天無和之時運潛發愚願
堅結伽藍建立之約此事未幾果開家運恰如王彥
超之遇重雲師也於是始感佛法之有靈驗益欽虎
闕之有見識抃歡之餘漸叔寺院鎮護國家去貞和
年中先歸仙洞以為勅寺臣奉君故也次囑武家以
為嚴鎮武平世故也此非徒然誠有旨哉既雖立廣
殿之柱石頌難營諸堂之土木願海無盡時成風有

卷之三十一

四十五

終日予之此殘生若不償宿志者適立之長者能守
素意必須肯堂又永捨家領以為寺產列件目于後
檀家、眷猥振劫奪誣枉之威者可有其咎深思之
是則所以佛法之依世緣而待持也予訪高雄山之
古迹勅使清丸朝臣親傳宇佐大明神之靈旨奏立
寺号神護以來久除朝家累卵之危終成天下磐石
之固又尋我曩祖大織冠淡象公及御堂関白之先
蹤皆起仁祠大興家業是則所以世法之借佛力而
長久也爰我皇考為累代攝家之的孫幸雖承家督
事於望外不至其位朝政之過非無遺恨天道好還

祖宗有靈故予遂繼墜緒忝汚高爵以是又歸佛陀
之力特造楞伽之寺不啻果宿願兼隨先闕以欲保
家門也然則此家門即與彼寺門可同盛衰耳予子
孫宜信受奉行不然者非我子孫也凡是寺者全闕
山■葉之管領揀道學兼備之人才以可補長老補
時偏宜准門徒之公舉不可致檀家之自專若又門
徒等釣絲絞水獨補其徒則大乖佛意非為僧儀唯
舉江湖有名之人岩穴遺逸之賢以可充當寺住持
不可比外國區々之墳寺故我禪侶夕誦晨香專可
祈念聖壽無彊武運綿延天下泰平家門繁榮也又

